



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Stephano Nepoti Nostro.

urn:nbn:de:hbz:466:1-20020

liceat, sive institutis in eadem Ecclesia per Abbatem, sive sanctorum Iohannis & Pauli Clericis, sicut probatum est & haec tenus consuetum partem ipsam committere colligendam, super aliis perpetuum tibi silentium imponentes. Nulli ergo &c. nostra constitutionis &c. Si quis autem &c. Datum ut in alia.

STEPHANO NEPOTI NOSTRO.

Dilectis filiis P. Clerico nuntio tuo & R. Iohannis de Waureio Clerici procuratore in nostra praesentia constitutis, idem nuntius graviter est conquerens quod cum in Baiocensi Ecclesia sibi fuerit præbenda collata quam venerabilis frater noster Baiocensis Episcopus ante promotionem suam obtinuisse dinoſcitur, ejusdem præbenda liberam dispositionem habere non poteras nec Ecclesiæ & res alias pertinentes ad ipsam pacifice possidere, dicto I. falso afferente le in ipfa præbenda Vicarium perpetuum constitutum, & te hujusmodi occasionis obtentu multipliciter molestante. Vnde petui supradictum I. à sui molestatione compesci. Procurator vero prædictus ex adverso proponens eundem I. olim in eadem præbenda perpetuum Vicarium institutum, nec pro ea nisi ad annuam pensionem tringinta quatuor librarum Turonensis monetæ teneri, nobis humiliter supplicavit ut liberam ejusdem præbenda provisionem ac rerum pertinentium ad eandem dictum I. faceremus habere, sicut haec tenus consuevit, non permittentes eundem ab aliquibus super hoc indebitè molestari. Ad fundandam autem intentionem suam & defensionem ejusdem I. transcripta quarundam litterarum exhibuit, quibus tantummodo se afferuit ut velle, quarum authenticæ penes dictum I. esse dicebar. Porro in uno transcriptorum ipsorum perspicimus contineri bona memoria Constantiensem Episcopum ad presentationem H. quondam Canonici Baiocensis eidem I. Ecclesiam de Waureio cum pertinentiis suis in perpetuum eleemosynam concessisse, ita videlicet quod idem I. duodecim libras Andegavenles prædicto H. solveret annuatim. Ad quod tua pars ita respondit, quod eti transscriptis hujusmodi fides nequaquam esset habenda, per illud tamen transcriptum idem I. prædicta præbenda Vicarius nullatenus esse probatur, sed potius quandam Ecclesiam sub anno censu in eleemosynam recepisse. Verum ejusdem eleemosynæ liberalitas ab ipso

Episcopo ad presentationem ejusdem H. sibi factæ ultra tempus vite ipsius H. in prejudicium substituendi Canonici non potuit prorogari, maximè cum consensus Episcopi & Capituli Baiocensis, ad quos ea res principaliter pertinebat, accessisse nullatenus allegetur. In transcripto vero litterarum felicis recordationis Clementis Papæ prædecessoris nostri, quod idem obtulit procurator, continebarur expresse quod ad petitionem ejusdem I. qui se in iambiæ Ecclesia proposuit perpetuum Vicarium institutum ac pensionem ejusdem longè magis adauitam quam fuisse tempore Lateranensis Concilij celebrati, dictus prædecessor noster memorato Episcopo Constantiensi mandavit ut pensionem ipsam ad eum statum appellatione remota reduceret quo tempore celebrati Concilij fuisse constaret. Qui ejusdem auctoritate mandati pensionem ipsius Ecclesiæ, tamquam adauitam, ad quatuor libras & decem solidos Andegavensis moneta sententialiter reducere procuravit, sicut ex transcripto litterarum ipsius argui poterat evidenter, cuius sententiam, sicut rationabilitè erat lata, memoratus prædecessor noster afferit confirmasse. Ad quod probandum quoddam rescriptum dictus exhibuit procurator. Ad hæc autem fuit à tua parte responsum quod cum in prænotato transcripto Constantiensi Episcopi tantummodo exprimeretur eundem I. dictam Ecclesiam in eleemosynam recepisse, non utique Vicarium constitutum, manifestè constare dicebat supradictas litteras prædecessoris nostri, in quibus afferuit se perpetuum Vicarium constitutum & ejusdem Ecclesiæ pensionem adauitam, per falsitatis suggestionem obtentas, unde nec ex ipsis nec ex sententiâ Constantiensi Episcopi, qui earum auctoritate processit, nec etiam ex confirmatione apostolica subsecuta debet idem I. aliquid commodum reportare, præterim cum tam beneficio litterarum illarum quam sententiæ prædicti Episcopi renuntiasse penitus videretur cum eandem Ecclesiam postmodum ad firmam recepit sub longè majori annua pensione, sicut aperte colligitur ex transcripto inferius annotato. Transcriptum enim litterarum bona recordationis Episcopi, Decani, & Capituli Baiocensis presentavit, per quod causam suam idem procurator potissimum defendere nitebatur, in quo continetur expresse quod magister R. de Ablegiis, *Vide cap. Aut. tunc Canonicus, nunc Episcopus Baio-* *ditii. De elect.*

censis de ipsorum consensu præbendam suam de Wareio cum pertinentiis suis, tam Ecclesiis quam hominibus, & dominicis Ecclesiarum, & aliis, sub annua firma tringinta quatuor librarum Andegavensium eidem I. concesserat perpetuò retinendam, quam concessionem post promotionem suam idem Episcopus innovavit, & eandem Constantiensis Episcopus dico situr approbatte, sicut per transcripta litterarum ipsorum videbatur liquido comprobari. Verum ad hoc pars tua respondit quod per transcriptum præmissum Episcopi & Capituli Baiocensis dictus I. non Vicarius sed firmarius potius seu pensionarius probabatur. Vnde cum hujusmodi firma de jure vel consuetudine diutius durare nequiverit nisi donec is qui dedit ad firmam jus habuerit in præbenda, constare dicebat quod postquam idem magister R. assumptus extitit in Episcopum ipsa fuit utique firma finita: quia licet idem magister, cum præbendam dedit ad firmam, eam concesserit perpetuò possidendum, intelligendum tamen est quod tamdiu esset eadem concessio duratura donec ipse in præbenda jus aliquod obtineret, ut illud secundum sanum intellectum ad suum perpetuum referatur. Sed nec per concessionem Episcopi & Capituli idem I. jus aliquod retinere potuit in præbenda postquam ipsam habere desit qui eam dedit ad firmam: quia cum consensu ipse accederet factio Canonici, dictus I. non potuit diutius commodum ex ipso consenti percipere quam concessio a Canonico facta duraret; præcipue cum Episcopus & Capitulum nequiverint in tam enormem substituendi Canonici lesionem suum accommodare consensum, nec sub annua firma tringinta quatuor librarum idem I. præbendam ipsam perpetuò retinere, quæ centum viginti libras valere proponitur annuatim; cum & hoc, non solum in damnum, sed etiam opprobrium redundaret Ecclesia, ut Canonicus modica pensione præbenda sua contentus existeret, & idem I. de ipsius proventibus abundaret; qui, quantum ad regularitatem & vitam, qualis perhibeat existere subticemus. Proposuit pars tua insuper concessionem factam ab eodem Baiocensi Episcopo nullam esse, cum eo tempore facta fuerit quando ad eum minimè pertinebat. Vnde per consequentiam approbatio Constantiensis Episcopi nullum tibi potuit prejudicium generare. Nos igitur & alii quæ nuntius & procurator præ-

DILECTIS FILIIS MAIORI
& Willmo Archidiaconis, & Priori
sancti Victoris Parisenſis.

Epist. 13.
De probria
S. Martini Tz
con adiunctio
a M. Villio
mo.

I Ndueti dudum laudabilis testimonio quod dilecto filio magistro Willmo latori presentium de moribus & scientia redebatur, suaque necessitatibus paterno condescendentes affectu, cum ecclesiasticum beneficium, quo utique dignus erat, ad inopis vita solatium non haberet, Capitulo beati Martini Turonensis dedimus in mandatis ut eum reciperent in Canonicum & in fratrem. Cumque dilectus filius Windocenensis Abbas & commonitores ipsius eos ad id sollicitè monuissent, sicut ipsi per suas nobis litteras retulerunt, respondere quidem distulerunt, in primis occasionem absentie Decani sui & Thesaurarij prætendentes; quibus demum in ipsius receptione magistri assensum suum per suas litteras impendentibus, illi finaliter responderunt quod licet personam ejus notam haberent, utpote qui diu fuerat apud eos laudabiliter conversatus, eisque, sicut vir discretus & prudens, esse poterat necessarius, quia tamen quosdam alios ex promissione recipere tenebantur, & Ecclesia sue facultates minimè suppeditabant, commode tunc non poterant mandatum apostolicum adimplere. Vnde nos iteratis humilitatis sue supplicationibus inclinati, dilectis filiis Abbatii sanctæ Genoveſa ac coexecutoribus ejus per scripta nostra præcepimus ut præfatum Capitulum, nisi rationabilem causam obiceret & probaret propter quam non deberet hoc vel non posset impleri, presertim cum idem magister de morum ac literaturæ sufficiencia commendaretur ab eo, sublato cuiuslibet